

Василий  
Власов



АС ИОЗ



Василий Иванович Власов чужис 1916 вося октябрь 14 луно Усть-Вымской районса Гам сиктын.

Медводдза кывбурьяссö сылысь вöлі печатайтöма «Ударник» журналын 1939—40 воясын. 1948 воын поэт йöзöдiс «Войвыв кодзув» журналын ассьыс медводдза поэма «Рöдиналөн пи». Сы бöрын пыр частöджык и частöджык петавлісны «Войвыв кодзув» журналын да коми газетъясын поэтлөн кывбурьяс да поэмаяс.


Мыйтакö кывбур вöлі вуджöдöма роч кыв вылö да печатайтöма «Литературной Россия» газетын.

1959 воын Коми книжной издательство лэдзис Власовлысь первой кывбур чукöр «Югыд туй».

Тайö — сылөн мöд сборник, кытчö пырöны бурджыкъясыс на пиысь, кодъясöс гижöма бөрья воясö.

Василий Власов

АС ЙӖӦЗ



Коми книжной издательство

Сыктывкар

1964

С  
В 58

*Власов Василий Иванович*

С В О И Л Ю Д И

Стихи на коми языке

Художник В. Поляков

Редактор С. Морозов.

Корректор А. Чеусова.

Худож. редактор М. Безносков

Техн. редактор И. Цивунин


Сдано в набор 25|I-1964 г. Подписано к печати  
4|III-1964 г. Формат 70×92<sup>1</sup>/<sub>32</sub> 0,875 бум. лист.  
печ. лист. 2,047 (Уч.-изд. лист. 1,72). Заказ № 515.  
Ц00625 Тираж 1000. Цена 9 коп. Коми книжное  
издательство. Дом печати

---

г. Сыктывкар, Республиканская типография  
Управления печати



I



## КОЛИПКАЙ

И ЧӨТ колипкайой,  
Кывзы менө, кывзы,  
Ылі вөр-ва сайө  
Ну тә сьыланкывсө.

Ну да сійөс йөзөд,  
Гөлөстө эн жалит,  
Йөзлысь вирсө пөсьөд,  
Гажөд олөм налысь.

Тәнсьыд мича гөлөс  
Зэр ни төв оз вины.  
Тәнө быд морт кылас,  
Өттшөтш кутас сьывны.

## Т О Л Ы С Ь

Югыд төлысь ышмис —  
Эжва шөрын варччө;  
Паськыд юлөн мыш выв  
Визувъясөн гартчө.

Дивуйтчöны ставөн —  
Гöраяс и вöрьяс:  
«Мый нö, мый нö тайö?  
Сийö, коньöр, вöяс!»

Тэрмасьöмөн воис  
Сэтчö ыджыд кымöр.  
«Мый нö тані лоис?!» —  
Юалис скöр гымөн.

Повзьöм төлысь пышйис  
Гызьöм Эжва вылысь.  
Зэр ва корöсь чышкис  
Мунан туйсö сылысь.

Регыд чужас море,  
Гажмас югыд төлысь:  
Варччы мыйта колö —  
Дивитысь ни тöдысь!

## ЛЭБОМ

Лөнъ рукөд өттшөтш орөдчим ми муысь  
И эзысь бордйөн вундам енэж выв.  
«Бур туйөн, ёртъяс!»—лэбысьяслы шуис  
Том стюардесса — миян коми ныв.

Пось шондї койö лышкыд киён зарни,  
Руд кымөрлысь шөвк шальён гартө юр.  
И оз нин некөн тыдав Сыктывкарным,  
Ас төдса места син улö оз сюр.

Моторъяс шыын вошласьöны мөвпъяс,  
И небыд сывнас шыгыртлывлö ун.  
Оз төдчыны ни мыльк йывъяс, ни гөпъяс,  
Кызд бытгьö самолётыс оз и мун.

Но лэбам öдйö ми попутнöй төвкөд,  
И микөд өттшөтш лэбö миян кад;  
Туй ассъыс корсьö кадыс кымөр пөвстөд;  
Быд ловъя сьөлөм лэбны ськөд рад.

## ТӨДСА ПИЛОТ

(НЫВЛӨН СЫЛАНКЫВ)

Ме ю шөрө пета  
Да бакенъяс озта,  
Мед прөйдитас сэт теплоход;  
Выль төлыськөд өттшөтш  
Горт пристаньö чеччас  
Лөз синъяса төдса пилот.

Рыг колльөдны волө,  
Мед төдны, кыз ола  
Ме — бакенъяс видзысьлөн ныв.  
Көть сёрнитны ськөд  
И абу зэв сьökыд,  
Но мыйлакө вошльвлө кыв.

Мед частөджык волө  
Да кузьджыка оло;  
Сэк төдмала: радейтө — оз,  
Ме озтася ачым,  
Мед бурджыка аддзö  
Да бөр теплоходыс оз кос.

## ШОБДІ МУ

Бур шобді гырысь шепъяснас  
Тан ворсө бөрья лун,  
Да паськыд гыён лэптасьö —  
Мед пальöдыштны ун.

Комбайн нин борйын сулалö,  
И радлö комбайнер.  
Лун тöлыс сылы шуалö:  
«Ме тэнсьыд удж ог сор;

Ог вайöд зэра кымөрьяс,  
Ог сибöд арся лым,  
Мед ылöдз-ылöдз нималас  
Бур уджысь тэнад ним».

И гырысь шепта шобдйыс  
Тан öвтчис бөрья лун.  
Удж помавтöдзыс шойччыны  
Тась комбайнер эз мун.

## ТШУПСЬЫСЬЯС

Тан тшупёны керкаяс сиктса том войтыр.  
Пось шондыс на вылө видзөдө чөв  
Да стенъясө ошъялө югыд сир войтөн.  
Быд тшупсьыськөд балуйтчө мелі лун төв:  
То окыштө чужөмсө, юрсисө дзугө,  
То питшөгө суйлывлө ассьыс ёсь ныр.  
Но некод оз дөзмы, ни некод оз дугөд,  
А өтвылысь сьөлөмсянь тшупсьёны пыр.  
Тан төдөны: нюлас кө стенъяссө шонді,  
Выль керкаө овмөдчас шондіа лун;  
И төлыс кө тадзикөн вильшасьны пондас,  
Выль керкаө пырысьлөн гажлун оз вун.  
И ворсёны шондіа көчьясөн черьяс,  
Оз помасьлы дрельлөн да пилалөн зык.  
Быд вежон джын ас сьёрсьыс вайё выль  
серьяс,  
Быд төлысь джын выль ногөн вөччөдө сикт.  
И челядь моз радлөны тшупсьысьяс сэки —  
Выль пач кө выль трубаөд пөльыштас тшын;  
Оз норасьлы некод, мый мудзис, мый сьөкыд;  
Том сойясө чукөрмө кык мында вын.

## КРАНОВЩИК

Кабина пытшкын бара ворсö шондi,  
Кабина вылын төлалö флажок.  
Выль ыджыд керка быдмыны тан пондiс,  
И крановщиклы төдса аслас мог.

Пыр öти сяма кытшыльяс да визьяс  
Груз лэптан кранлөн рисуйтö стрела;  
А краска пыдди — балкаяс да изьяс,  
Картина пыдди — выльысь-выль стена.

Тадз чужö керка, олысьясөн гажмö,  
И сьөлөмсяньыс радлö крановщик;  
Öд төдö: бура вöчөмтор оз важмы,  
Ни кöдзыдысь, ни шоныдысь оз тшык.

Став карыс талун сийöс татысь аддзö,  
Сэн сылөн уна төдса öшинь эм.  
А олөмыс выль шыён локтö татчö,  
И югыд визув шорөн муно нэм.

## ПАРОВОЗЛӨН ГОРЗӨМ

(шуточной сыланкы)

Асья ру пыр паровозлөн  
Миян сиктөдз кылө горзөм,  
Бытьё муннысө оз письт.  
Бара, көнкө, көрт туй дорө  
Сиктса нылөс тадзи корө  
Сылөн төдса машинист.

«Нылөй, нылөй! Кывзы менө:  
Мичлун тэнад дзыкөдз венө,  
Муслун лэдзис ыджыд вуж;  
Тэтөг весиг югыд шонді  
Лун шөр лунө оз ниң шонты,  
Отнам овны ме ог куж.

Ме сайө кө эськө петан,  
Меным ыджыд шуд тэ сетан,  
Нинөм сэсса оз и ков.  
Лоас миян гажа олөм,  
Кытчө колө, сэтчө волам,  
Ветлам — мыйта лэптас лов».

Паровозлөн горзём кылө  
Көрт туй дорсянь ылө-ылө —  
Шызьё сикт и шызьё вөр.  
Быд морт сьөлөмсяньыс тшөктө  
Нывлы верөс сайө петны,  
Медым зыкыс лөняс бөр.

## ХУДОЖНИК

Дзор художник шензьёмысла сувтис,  
Весиг сійё воськовтны эз лысът.  
Лым кодъ юрси петис шляпа увсьыс —  
Ыджыд арлыд йылысь тёдса висът.

Төвру өвтис чөскыд дука маён,  
Пуё ошйис шонді шорта тыв.  
Дзоридзьяс сэн кисьталіс сөдз ваён  
Дзоридз кодъ жё мича тёдтөм ныв.

Чөскыд унмысь садьмис орчча керка,  
Нюмъялігтыр восьтис уна син.  
Гыён ворсис Сыктыв юлөн веркөс...  
Югыд тулыс — миян оланін!

Немтор быттё аддзывтөмыс сәні,  
Ставыс сылы ас да төдсатор,  
Но быд югөр выль ног өзйис өні,  
Аслысногөн лолаліс быд кор.

Көть и регыд муніс сәтысь нылыс,  
И художник сәні дыр эз ов,—  
Выль картина шөрө ачыс пырис  
Тайё тувсов мичлөн кыпыд лов.

## ТОМ ДОРЧЧЫСЬЛЫ

Тэ дорчыны велөдчы, пийй,  
И доналём көртысь эн пов!  
Мед горн пытшкөс ыпъялө биён,  
Да чөв накөвальня оз ов.

Бур дорччысьлөн быдлаын другъяс,  
И дорантор му вылын тыр:  
Выль тракторъяс колёны, плугъяс...  
Босыт мөлөт, эн думайтчы дыр!

Пось сьөлөмөн уджав да ордйысь,  
И шудыд оз чусмы, оз сiм.  
Ме аддза би чузъяса бордъяс  
Да накөд тшөтш кыпалысь ним.

## ЗАКОПЁРЩИК

Дизель-мөлөт пыркөдө лөнъ сынöd,  
Эжва вывтi кывтö еджыд ру.  
Бөръя свая син водзаным чинö,  
Ружтигтырийи сёйö сийöс му.

Закопёрщик синмын радлун ворсö:  
Топыд муысь свая бөр оз пет,  
И оз кырöd джуджыд берег дорсö,  
Послөн подув вөрзбодны оз шед.

Закопёрщик водзö татысь муниç,  
Олиç танi лыда-тшöта лун.  
Сылөн, гашкö, Ичöt Слудка вунис,  
Сöмын ачыç некодлөн оз вун.

Кöрт пос вылын казътö сийöс поезд,  
Сэн жö казътö сьöлёмсянь шофёр.  
И оз венны казътылёмсö вояс;  
Некор тайö поска туй оз ор!

## СІДЗИ И КОЛӖ

БыттьӖ сідзи и колӖ,  
БыттьӖ мӖд ног оз позь,—  
ВежсьӖ лунысь-лун олӖм,  
Мый тӓд кажитчӖ, босьт:  
КӖть диплом инженерлысь,  
КӖть пилотлысь штурвал;  
Тэ и тракторӖн гӖрысь,  
Тэ и збой генерал.  
БыттьӖ сідзи и колӖ,  
БыттьӖ мӖд ног оз позь,—  
КытчӖ кажитчӖ — волы,  
Выльысь-выльтор тэ восьт:  
КӖсьян, му шарсӖ кытшовт  
ЛибӖ космості лӓб;  
Некор некод оз кедзовт  
И оз вузав, оз ньӖб.  
ТӖдам, сідзи и колӖ,  
ТӖдам, мӖд ног оз позь,—  
Выль программаным корӖ  
НӖшта паськӖдны кось:  
КоммунизмлӖн бур асыв  
Водзджык тыдовтчас мед.  
Туй кӖ Партия пасйӖ —  
Туйыс бокӖ оз пет.

## МАЙ

Майлөн лов шыыс шоньд,  
Мича чужо́мыс го́рд.  
Ветлө мыльк йылөд, сөнөд,  
Туй ни прөсек оз төд.

Шонді югöрын сылө  
Помтөг паськалөм эрд;  
Майлөн кок шыыс кылө  
Таво бурджыка, дерт.

Вобьсь-во сійö мичмө,  
Öткодь олөм оз ов.  
Томлы, пöрысьлы вичмө  
Сыөн ловзьбөдөм лов.

Вöрын садьмöны пуяс,  
Сывсö паськөдö ю.  
Корö трактор да плугъяс  
Ыбын руалысь му.

## ШУД

Ме аддза колонналысь мунём,  
Збой йёзыслысь чужомъяс аддза.  
Бур сьыланкыв тувсовъя луно  
Сё лэбачён поздысьо татчө.

Том бордьясөн ворсёны шыяс,  
Гөрд флагьясё дзугсьома шонді.  
Сук вөр моз жө кыштёны кияс.  
Май гажөдчө, сьёлөмтө шонтө.

Оз весьшөрө радлыны йёзыс,  
И праздникыс быдёнлы муса.  
Выль спутник выль кодзулөн öйис,  
Выль туйясөд кытшалө мусө.

Май праздникыс ворсө быд синмын,  
Став сьёлөмсянь гажөдө мортөс.  
Шуд нимтам ми выль нога нимён  
Да нуам ас сьёлөмын гортө.

Бур шуд коммунизмысь оз торъяв,  
Бур шуд коммунизм сөмын сетө.  
Быд уджалысь сійөс пыр дорйө  
Да тыш вылө сы вöсна петө.

## ТУЙ АБУ НИН ПӨДСА

Вот вөрзъыштліс муыс,  
Да потіс лөнъ сынöd;  
Ракеталөн туйыс  
Дыр везъяссис тшынөн.

Выль дзирдалан кодзув  
Выль туй вылө петö  
И лэбзьö пыр водзö,  
И кытшовтö светсö.

А лэбöмыс сылөн  
Став йöзыслы тöдса.  
Кöть пристаньыс ылын,  
Туй абу нин пöдса.

И регыд нин миян  
Том зонъяслөн кияс  
Планетаяс ылын  
Тшöтш öзтасны бияс.

## ВОЙВЫВ КАРЫН

Войвыв карын пожомъяс  
Улич кузя мунёны;  
Ворса туйыс вошөма,  
Ворас олөм вунөма.

Ягын найö чужисны,  
Ягын найö мичмисны,  
Лун и вой пыр узисны,  
Вөрлысь чөвлун видзисны.

Мортлөн татчө воөмыс  
Унмысь найос пальөдіс,  
Мортлөн тані олөмыс  
Выльысь-выль туй вайөдіс.

Вобысь воö содісны  
Мича гырысь керкаяс,  
Уличаяс водісны  
Тайö паськыд керөсас.

Карыс ворсө биясөн,  
Пемыд войыс повзёма;  
Вежов лыска киясөн  
Кнасьёны пожомъяс.

## КОМИ ЗОН

Бульдозерён косявлө муыслысь мышсö:  
То путкыльтö гөра, то тырталö сён —  
Тадз удж вылын петкөдлө вынйöрсö, мичсö  
Дзор пармалён пи — миян коми том зон.

Тшап пожöмъяс полiгтыр кежöны сыысь,  
Оз вензыны сыкöд ни яг выв, ни нюр.  
И лунысь-лун вежсьöны вөр-валён шыяс;  
Важ шогсян мотив öни некысь оз сюр.

Көн сулыштас зон, сэнi кыптö посёлок,  
Кыт прöйдитас сiйö, сэн вoсьсö туй визь.  
И сьöлөмянь ыстöны сылы пöсь чолөм  
И шобдiа му, и веж туруна видз.

Зон сёрнитö öтмоза комиён, рочён;  
Роч зонъяскöд нуöдö öтувъя удж  
Сидз, быттö, ас вокъяскöд вoсьлалö орччөн  
И бoсьтö ас пай вылö öтмында мудз.

Бульдозерён косявлө муыслысь мышсö  
Эбой велöдчөм морт — миян коми том зон.  
А пармаыс садьмö да зэр ваён мыссьö,  
Oз öтчыдысь чöвтывавы сылы поклон.

## КЫТЫСЬ, КЫТЧӨ

«Кытысь, кысь?»

Кытысь, кысь?!»

«Кытчө, кытчө?»

Кытчө, кытчө?!»

Лунвыв, лунвыв уна-уна

Поезд бөрся поезд мунө.

Туйыс юасыны оз вунөд:

«Кытысь, кысь?»

Кытысь, кысь?!»

Воркутаысь из шом тыра

Мунысь поезд оз и бырав.

Туйлысь өти сёрни кылан:

«Кытысь, кысь?»

Кытысь, кысь?!»

Нефть Ухтаысь... Ыджид өдөн

Бөр быд вожысь татчө петө.

Туйыс асьсө сөмын төдө:

«Кытысь, кысь?»

Кытысь, кысь?!»

Войвыв карысь, сиктысь, вöрысь

Ветлө öнi том и пöрысь...

Кылө сёрни көрт туй шöрысь:

«Кытысь, кысь?  
Кытысь, кысь?!»  
«Кытчö, кытчö?  
Кытчö, кытчö?!»  
Войвывланьö уна-уна  
Поезд бöрся поезд муно.  
Кылö öтмоз войын, лунын:  
«Кытчö, кытчö?  
Кытчö, кытчö?!»  
Кöм-пась, шобдi да машина,  
Яблöг, виноград да вина...  
Войвыв вöрö, сиктö, карö,  
Воркутаö, Сыктывкарö...  
Туйыс юасьö нин бара:  
«Кытчö, кытчö?  
Кытчö, кытчö?!»  
«Коми муö, Коми муö»,—  
Войлань мунысь поезд шуö.  
Туйыс ассьыс сёрни нуö:  
«Кытысь, кысь?  
Кытысь, кысь?!»  
«Коми муысь, Коми муысь»,—  
Лунвыв мунысь поезд шуис.  
Помтöг варовитö туйыс:  
«Кытысь, кысь?  
Кытысь, кысь?!»  
«Кытчö, кытчö?  
Кытчö, кытчö?!»

## ТУЛЫС

Öти мөвпөн талун тыра  
Ваньлөн юрыс:  
«Мыйла миянө оз пырав  
Мича тулыс?»

Висьталёны: тулыс воис  
Татчө важөн,  
Уна-уна чветьяс койис;  
Гөгөр гажа.

Көни бара сийө олө,  
Көни ветлө?  
Мыйла мейсь сийө полө,  
Кыв оз сетлы?

Висьталёны: гожём матын,  
Локтө подөн.  
Коді тодас, гашкө, катө  
Пароходөн...


Гожём воикжежлө тулыс  
Пышьяс-мунас.  
Майбыр, татысь петан туйыс  
Öни уна!

И машинаяс и поезд  
Нуны дасьбось;  
Самолётон лэбны позяс  
Луннас дасысь...»

Öти мөвпөн талун тыра  
Ваньлөн юрыс:  
«Миянө көть өтчюд пырав,  
Муса тулыс!»



## II



## АС ЙӖЗ

(поэма)

**Б** АРА тэ дорӧ, бара тэкӧд,  
Менам музаӧй — менам мусаӧй.  
Тэныд норася, кодыр сьӧкыд,  
Кодыр гажлуной лӧгын мекӧд,  
Кодыр туй помӧй менам дзуг.

Тэнад отсӧгӧн, тэнад сямӧн,  
Менам музаӧй — менам мусаӧй,  
Кортӧм шоглуной ачыс ямӧ,  
Норлун сьӧлӧмӧс озджык лямӧд,  
Горшӧ сӧянтор озджык тшук.

\* \* \*

Тувсов лунӧ кузь туйӧ ме петі,  
Отпуск кад кежлӧ эновті горт.  
Тӧдса мортӧс моз виччысьӧ, тӧді,  
Тӧдтӧм комиӧс ылыс курорт.

Сыктивкаркӧд прӧщайтчи ме чӧла,  
Тӧді, регыдӧн аддзысям бӧр.  
Парма кышанлӧн павкнитчис пӧла,  
Карлысь трубаяс сайӧдіс вӧр.

Пассажиравны поездö сёлөм,  
Көть нин абу мен дивуйтчантор,  
Пыр на неуна нормодö сёлөм,  
Восьтö мөвпяслысь помасьтөм шор.

Талун тані, аскомысь Москваын,  
Сэсся Киевын, Львовын... Быд лун  
Меным мыссыны выльысь-выль ваён  
И выль шыясөн пальёдны ун.

Гогрөс тупөсьөн гөгыльтчис-пырис  
Варов ныв, быттё отдор и ас...  
Орччөн пукаліс, сыланкыв сыліс,  
Менам сёлөмө пунктіс бур пас:

«Төла лунö ме чужи,  
Биа воясö быдми,  
Бушков потанын узи,  
Гым эг пуктьвалы пыдди.

Кымөр вөлі мен батыён,  
Парма му — муса мамён,  
Вой төв — ислалан даддьён,  
Шонді югөрыс — сямён.

Юи вөрдорса ключысь,  
Эжва ваён ме мысси.  
Шерыс, слякөтгыс усьліс,  
Но эг нормыв, эг висьмыв».

Гажа нывкөд сёрни пані:  
— Кыдзи нимыд тэнад?  
— Роза.

— Мый нө вөчан тани?  
Туйыд кузь?  
— Зэв дженьыд...  
— Көни тэнад мамыд, батыд?  
— Гортын менам мамой.  
Батьон лоан, гашкө, ачид —  
Важон сирөта ме.  
Дас көкъямыс талун тырис;  
Батьос эг на аддзыв.  
Сийо кольом война вылысь  
Бөрсө эз лок татчө.  
Менө быдтис, ачыс быдмис  
Менам муса мамой.  
Книга дорын рыгыяс рытйис,  
Сдайталис экзамен.  
Они сийо сиктса доктор,  
Висьомьясысь мездө.  
Аттө быдладорсянь локтө.  
Лун оз кольлы йөвтөг.  
Сөмын аслас сьолөм вылысь  
Пыкөссө оз вунды.  
И быд празник баты йылысь  
Висьтавыны оз вунлы;  
Чайтө ловьяон да томон,  
Асьсө чайтө нылөн.  
Пыр на сийо вөръяс вомон  
Бательысь гөлөс кылө.  
  
Тамбур дорсянь локтө дедө,  
Сувтө миян дорө...  
Роза места асьыс сетө,  
Паном сёрни орө.

— Чолөм, Вася!—дедө шуө,  
Пуксьө мекөд орччөн,  
Бытшкө тошлөн чорыд зуөн,  
Сэсся скөрысь ёрччө,—  
Сё мокасьтөс нэм эг аддзыв!  
Чайті, висьмин — кулін.  
Кыз тэд сөмын абу яндзим?  
Талун вот и сюрин!

— Семён дядьө? Муртса төді!—  
Сывйышти ме сійөс.  
— Сідз ог лэдз. Вай Гамө мөдім,  
Казытыштам сэн пиөс.

Тэ өд ассьыд другөс-вокөс  
Эн на, көнкө, вунөд.  
Дас көкъямыс во нин шогөс  
Лоө меным нуны.  
Тайө лунө усьөм йылысь  
Жугыль юөр воис.  
Сэк жө кага бөрддзөм кыліс —  
Выль морг чужис-ловзис.  
Тайө нывсө чужтіс Дуня —  
Дөва моньөй менам.  
Шогыс вөлі вывті уна —  
Өдва сійөс венім.

— Сідзкө, Розаыслөн батыыс  
Тэнад пиыд — Гриша?  
— Код нө сэсся? Сійө ачыс...  
Ачыс сыысь мыжа.

Збыльысь Роза чужом вылын  
Мам-батыслон серыс.  
Кутшом тайо кадыс ылын!  
Дядьой кутшом порысь!

Мыйла эськө татшом одйө  
Мунө миян поезд!  
Сёрни кості, эг и төдлөй,  
Гамө сійө воис.

Семён дядьө зу кодь тошнас  
Нөшта отчид бытшкис...  
Көть и порысь, оз на вошлась:  
Нывлысь мунөм виччис,  
Сэсса гусьоникон сыысь  
Мекөд шогнас юксис.  
Мунысь поездыслон зыкыс  
Сылысь сёрни дзугаіс.

— Во-мөд сайын письмө воліс  
Гриша нимсянь меным.  
Львовө овмөдчыны корис,  
Зэв пө лөсьыд сәні.  
Ме, дерт, письмөлы эг эскы,  
Веськыда и гижі:  
Гриша гортө воис эськө,  
Ен кө сійөс видзис.  
Сөмын пыр на сьолөм кылө  
Шоглысь чорыд гыжъяс.  
Гашкө, сійө ловъя збыльысь?  
Код нө мөд морт гижас?  
Корсьлы, удитан кө, сійөс,  
Вайөдлы тшөтш татчө.

Кувтөдв аддзыла кө пиос,  
Висьтала тэд аттё.

Тайё аддзысьлём бушкала төлөн  
Каттис мөвпъяслысь орлытём шөрт.  
Доймём сьёлём он кокныда өлөд,  
Бордья казътылём ноппё он йөрт.

Дзик на син водзын томлунёй өні.  
Да и вунас мөй гөтрасян во!  
Кослан вөлөк том гөтыркөд венім,  
Гамё тәрмасим: мый лоас — ло!

Ним мен жөниклысь Мезеньыс сетіс,  
Тувсов визулыс бергөдіс юр.  
Шань том ичмоньёс петкөді сәтысь,  
Чайті, мөдлаысь сәтшөм оз сюр.

Паровоз сәки тані эз горзы,  
Гамөдз кылөдіс бур пароход.  
Тувсов шондыс вөр-вакөд ворсіс,  
Пөшти вой шөрөдз узьны эз вод.

Пыри гортө, а батыёй мен шуө:  
— Төді, гөтыртөг Кослан оз лэдз...  
Мамөй лоёмсө шогсьөмөн нуө:  
— Ковмас терпитны. Нинөм он вөч.

Төдса кок туйөд ми ордө воліс  
Менө сьёлөмас новлөдлысь ныв.  
Меным синъяссө нэм кежлө колис,  
Но эз коль укөрайтана кыв.

Өнөдз помнита ме, кыдзи ворсіс  
Миян томдырся радейтчан лун;

Кыдзи туйяссö Дунякöд корсьлим  
Öта-мöд дорö,— некор оз вун.

Дивöсьыс на дивö!  
Збыльыс али абу?!  
Шондi кымөр пивйö  
Öшис асьыс шабур.

Мунис вөрьяс йывтi,  
Сыналис веж юрси.  
Рытыс пыжөн кывтö,  
Кодзувьясөн вурсьö.

Посни лэбач сьылöм  
Рöмыд пиын кусi.  
Войыс паськыд сывйён  
Сывьялö нин мусö.

Пышйис кымөр пивйыс,  
Шондi шабур нуис.  
— Бура узьны!— пыис  
Бать-мамыслы шуис.

Сылөн аслас шондi  
Эжва дорын виччö.  
Мича нылыс зонлы  
Зарни шабур видзö.

Шöртсö шабур вылас  
Печкис сьölöм пиас.  
Лолөн вöчöм вурыс —  
Быттö югыд бияс.

Ордём мыльён моз сьёлөмөй ёнтис,  
Сөмын норасьны мортлы эз позь.  
Югыд синъяснас юасис шонді:  
— Висьтав, мый понда гөтрасин водз?

Мыйла тэрмасин, мыйысь тэ полін?  
Мыйла вунөдін көсйылөмтор?  
Кутшөм олөм тэ кытөні олін?  
Мыйла мусатө дінад эн кор?

Мортлөн абу жө сьёлөмыд көртысь  
Шогтө сьөкыдджык кыскавны чөв.  
Муса Дунюшөй гусьөник бөрдис,  
Нора сьыланкыв новлөдліс төв:

«Мыйла Эжва ойдлө, ямө,  
Тулыс волө?  
Мыйла менө чужтін, мамөй,  
Сетін олөм?»

Мыйла дзоридзалө өмидз,  
Быд во кисьмө?  
Мыйла радейтөмыс өнөдз  
Ыджыд висьөм?

Мыйла меным, коньөр нывлы,  
Тайө шогыс?  
Абу муса гажа ывла,  
Оланногыс?

Мөдлапөлө пыжөн вуджа,  
Вөрө пыра.  
Шогос новлөдлөмысь мудза,  
Вынй бырас.

Кодлөн бара жалыс петас?  
Мамлөн-бательн.  
Коді меным кисө сетас?  
Төдса баддбй».

Өти вежон ме коллялі гортын...  
И көть кытчө эг ветлы, эг мун,  
Вөлі мыжасыс мыжаджык мортөн,  
Шутөм шуалөм кылі быд лун.

Эжва визулыс сёльөдчис-видчис:  
«Тэ тай, вөлөмкө, яндзим он төд!»  
Туй дор пожөм кос кабырсө мыгччис:  
«Тайё козиныс ылөглы — тэд!»

Ковмис ставсө мен эновтны сэтысь:  
Олөм гез лоис вывтіджык гар.  
И том гозьялы оланін сетіс,  
Индіс нэм кежлө удж Сыктывкар.

\* \* \*

Мөвпьяс, мөвпьяс — биа киньяс,  
Тиянөс не дзєбны.  
Ог нин места вылө инась;  
Тырмас сэсса лэбны!

Паровозыс, мый эм выныс,  
Водзө мунө-пызйө.

Дойдан мөвпысь, курыд тшынысь  
Сыкөд öтув пышьям.

\* \* \*

Со и Межög — Коми мулön дорыс,  
Со и Эжва вомön джуджыд пос.  
Но эз вежсьы поезд мунан горыс,  
И эз дженьды поезд сувтлан кост.

Коми му — Советскöй му, Россия;  
Йитö ставсö йöзлön öти шуд.  
Коммунизмö писькөдчам ми зiля —  
Немтор водзö муномысь оз кут.

Волга вывса гесьяс менсьым сьölöм  
Вөрзьödöны талун дзик жö сiдз,  
Кыз Печора — Эжва море чöжöm;  
Мич Москвалön — менам мулön мич.

Ме коми морт тан ветла-муна,  
Москвичö пукся повтög.  
И тöда: ме кодъыс зэв уна  
Тат ветлö тани овтög.

Столица радейтöны быдön,  
Ас гортön шуны дасьöсь.  
Кöть кодi öни олö кытön,  
Но аддзö асьсö татысь.

Кор сотчис му да ойdlis вирön,  
Москва ми ставön дорйим.  
Эм, тöда, гу и коми пилön  
Рöднöй столица дорын.

Гырысь мылькъяс, увтасінъяс,  
Степын каръяс, сиктъяс;  
Украинскöй мича нимъяс;  
Кодзув тыра рытъяс.

Днепрысь босьтöм ва нин юа,  
«Перець» йöз моз лыддя.  
«Заспівай»,— попутчик шуö,  
«Съывны горöд» пыдди.

Вот и вои ме Карпатöдз  
Зэра пемыд рытö.  
Кытөн тані кывтыд, катыд?  
Войладорыс кытөн?

Асывводзын, шонді петіг,  
Ю дорö ме волі.  
Лэбач съылöмъясөн пöті,  
Вöt кодь олём олі.

Ляпкыдіник векныд юыс  
Изъясыскöд зыкын.  
Джуджыд гöраыслөн юрыс  
Кымöръяссö пыкö.

Татчöс бук да войвыв козыйс  
Сулалöны орччөн.  
Найö, быттьökö том гозъя;  
Вöрас свадьба ворссьö.

Мен Карпатын лöсьыд, гажа,  
Йöзлөн сёрни муса.

Быттьо ола тани важон,  
Тода татчос мусо.

Эм Татарово посёлок  
Рахов карсянь матын;  
Мекод юксисны нянь-солон  
Бур гуцульяс татон.

Порысь йозкод рытын, лунын  
Гартли сёрни пратьяс.  
Тан, ме чайта, медся уна  
Питом мамьяс-батьяс.

Тат войналон съокыд чепыс  
Отар-модар кыссис,  
Йозсо, быттьо тусьяс шепысь,  
Кытчөсюрө кисьтис.

Йозлон сёрни визув, писькөс,—  
Кытчө колө, воас.  
Уна висьтысь оти висьтон  
Юксьыны мен лоас.

Шоныд сынөд мусо нюлө,  
Изья берег небзьө.  
Ыджыд зыкыс визув юлөн  
Отар-модар лэбзьө.

Толысь чарла гора йивти  
Джөмдалигтыр мунө.  
Миян сёрни рыт пыр кывтө,  
Пемыд войо сунө.

Порысь дед — Петрусь Полешко  
Мекод орччон вөліс.

Югөр-кинас сылысь плешсö  
Малалыштис тöлысь.

Вомас видзöда ме сылы,  
Кывза, мый жö водзö:  
— Мортис сийö вöли ылыс,  
Сёрнитис пыр рочөн.

Сöмын коркö öтчид-мöдысь  
Садьтöм висян юрөн  
Тöдтöм кылөн сөрны мöдлас,  
Казьтывны мыйсюрö.

Воас садь вылö, оз вермы  
Кыв джын шуны сідзи.  
Мыйкö юалан кö, скöрмö —  
Кучкалöмысь виччысь.

Сийöс немец видзны кöсйис  
Агитатор пыдди.  
Райскöй олөм сылы вöзйис,  
Йöйөн сийöс лыддис.

Пу протезьясылөн дзуртöм  
Быдлун тани кыліс.  
Татчöс йөзöс, быттö пуртөн,  
Сылөн гөлöс кырліс.

Сöмын öтчид сөрны дугдис,  
Паськөм пөрччис вывсьыс,  
(Юрас сылөн мөвпыс югзис)  
Горөдис став вынсьыс:

«Ертьяс! Черьяс босьтö киö,  
Туйяс вылö петöй.

Оккупантос повтөг виёй,  
Пышйыны эн сетёй!»

Сэк жө ритнас гөра бокин  
Немец удждон мынтис:  
Лыйлис, гуё йөткис кокөн —  
Райскөй олөм индис.

Домовинаөн мед дзедны,  
Войын лэптим гуысь.  
— Лолыс эз на удит лэбны,—  
Кодкө сэки шуис.

Муртса öзйыштлас да куслас  
Жебмөм сьөлөм сылөн.  
Пошти төлысь джын на гусьнас  
Лечитим ас вынөн.

А кор нельөд Украинскөй  
Фронтыд татчө кайис,  
Пушка гымөн олан вынсө  
Сийө зонлы вайис.

Кутшөм крайысь, кутшөм муысь,  
Эз и вермыв шуны.  
Врач военной сийөс нуис  
И эз сет, дерт, кувны.

\* \* \*

То ли дедыс, то ли вөрыс,  
То ли войыс мойдө.  
Аддза, кыдзи воклөн вирыс  
Вошө войтөн-войтөн.

Оз нин джөмдав төлысь чарла,  
Кывтө энэж шөрөд.

Дед Петрусьлөн кусö каллян,  
Юрыс боквыв пöрö.

Сынöд көрыс ставнас вежсис,  
Зыкыс лөнис юлөн.  
Керка дорысь дзикöдз вешийис  
Паськыд вуджөр пулөн.

\* \* \*

Тöлысь чöж эз петав юрысь  
Мöвпыс Гриша йылысь.  
Чайті, ловъя кө, мен сюрас,  
Мед көть кутнём ылысь.

Но милиция эз аддзы  
Львовысь Гриша вокöс.  
Сюрём шöрт пом бара гартчис  
И эз могмöд могöс.

Врач со вöчö бөрья пасйöд  
Да сöветьяс сетö.  
Торйöдчам ми, кыдзи ас йöз,  
Сэсся туйö пета.

Поезд менö колис Львовö;  
Карыс садья, мича.  
Дыр-ö тани овны лоö,  
Коді вочавидзас?

Кöни олö Гриша вокöй?  
Збыль-ö сийö ловья?  
Могмас оз-ö менам могöй,  
Ог-ö весь тан довьяв?

Адреснойын гөлөс нывлөн:  
— Абу сэтшөм мортыс.  
Военком оз видзөд ылө:  
— Эм на уна мойдыс!

Коймөд лун нин карөд ветла,  
Корся Гриша вокөс.  
Гортө мунны көсийөм вөтла,  
Ышмөдышта кокөс:

«Он на, гашкө, дзыкөдз личав,  
Шойчыны он сёрмы.  
Талун медбөрря больнича,  
Медся бөрря сёрни».

Кузя юаси главврачлысь,  
Надейтчөм эг вошты.  
Сийө меным вокөс аддзис,  
Оланінсө восьтис:

«Ми эг төдөй сылысь овсө,  
И эз помнит ачыс.  
Кодлөн лолыс видзис ловсө,  
Сысянь овсө аддзис.

Миян медсестра Величко  
Гөтыр өні сылөн.  
Олө вокыд ськөд, сідзкө,  
Татысянь неылын».

И Величко Гриша сюрис.  
Важкодь төдса синъяс...  
Кинас кучкис дзормөм юрас,  
Местаас оз инась:

— Вася! Тә ли абу? Висьтав.  
Вася, муса вокöй!—  
Горзис Гриша. Синва киссис.  
Вот и мөгмис мөгöй.

Дона гөстьөн Гриша ордын  
Вөлі сизим лун ме.  
Ставыс коли, быттьö мойдын,  
Быттьö дженьыд унмын.

Кыдзи кужа, сідзи гижа,  
Мый мен юрö колис,  
Кыдзи, көні миян Гриша,  
Кутшөм олөм оліс:

— Быдса во мен порок тшыныс  
Лольштны эз сетлы.  
Вирöй-яйöй дзикөдз чинліс,  
Госпитальö шедлі.

Лыдсö-тшөтсö некусь корсьны  
Усьөм төдса йөзлысь.  
Эз өд сэк футболөн ворсны  
Вөрөг миян вөзйы.

Көсьян овны — виав ачыд,  
Либö виас асьтö.  
Позис вөчны сөмын тадзи,  
Мукөдтор эн казътыв.

Либö Рөдиналөн шудыс,  
Либö раблөн чепъяс.  
Тадз войнаыс менö кутіс  
Аслас вирөсь гөптас.

Госпитальысь петӧм бӧрын  
Гортын олі во джын,  
Ветлі лӧнь да гажа вӧрын —  
Миян Котшмӧс вожын.

Муса кодзув менам ӧзйис,  
Гӧтырпу мен индіс,  
Шуда олӧм сійӧ вӧзйис,  
Рана висьӧм чинтіс.

Дуня верӧс сайӧ петіс —  
Жалитіс да сійӧн;  
Дзикӧдз меным бурдны сетіс  
Аслас мелі кывйӧн.

Дерт, и думыштны эг кужлы,  
Мый ме пышъя сыысь,  
Мый мен лоас коркӧ чужны  
Кувлӧм бӧрын выльысь.

Но война войнаӧн коліс,  
И салдат — салдатӧн.  
Шудкӧд орчӧн шоглун оліс  
Сӧкся сӧкыд кадӧ.

Ачид тӧдан, сійӧ гожӧм  
Мыйта тышсӧ вайис, —  
Вирыс лӧччис уна вожӧн,  
Сотчис муыс-ваыс.

Курскысь лунвывдорса тышын  
Танкӧн немец пурис;  
Коли врагӧн ичӧт кытшын,  
Йӧзлы — вошті юрӧс.

Тадзи веськалі ме пленё,  
Нимтём мортён лои.  
Вошти ставсö: му и енэж,  
Олі пемыд войын.

Шуйга кокös, веськыд киös  
Тödтём доктор вундiс.  
Вöли веськодь — мед кöть виис;  
Ставыс менам вунлис.

Весиг вежöрын эз вöвны  
Аслам горт ни гöтыр.  
Эг тöd, кыдзи водзö овны,  
Коді ветлö гөгөр.

Эг тöd лун, ни во, ни тöлысь,  
Эг тöd ассьым сёрни.  
Вöли веськодь — том ли пöрысь,  
Юны эг куж курны.

Тöv ни гожöм, пöсь ни кöдзыд —  
Нинöмтор эг тöдлы.  
Весиг мöвп эз чужлы ньötчид,  
Кыдзи овны мöd ног.

Йöзлөн висьталöмьяс серти,—  
Рана бурдём бöрын  
Пышйись немец эз ну сёрсьыс,  
Лыйлис татчös вöрын.

И Карпатын олысь войтыр,  
Горт мед вöчны пуысь,  
Тödтём мортлысь кöдзыд шойсö  
Кыпöдисны гуысь.

Сөмын гортыйыс эз на ковмы —  
Сьөлөм пыр на сырмис.  
Сетны меным водзө овны  
Йөвлөн бурлун тырмис.

Дыр лечебницаын олі  
Станиславын, Львовын.  
Раз-мөд өшөдчөмөдз волі,  
А вот коли ловийөн.

Тэ он эскы? Чайтан, татчө  
Нарошнө ме кольччи?  
Эг! Ме виси, туй эг аддзы  
Чужан муос корсьны.

Посни челядь лоём бөрын  
Дзикөдз сэзьмис юрын.  
Төдса лоис войвыв вөрын  
Турасыс быд пулөн.

Вөтөн Дунялысь да бательсь  
Частө кывла сёрни.  
Сөмын Гамө мунны татысь,  
Ачыд аддзан, сөрми.

Менам кокөн, менам юрөн  
Кадсө сьөкыд суны.  
Гашкө, вермас кодісюрө  
Лөктор меным шуны.

Ме эг дзевсьы, ассиянь гижы  
Гортө ыджыд письмө.  
И өтвет мен пыдө йиджис,  
Лыддя — сьөлөм висьмө.

Аддзан, со мый гижö Дуня:  
«Менам верöс мекöд  
Оліс сöмын лыда лунъяс.  
Казьтывнысö сьöкыд.

Сійö ыджыд ловсö ассьыс  
Рöдиналы сетіс.  
Миян гозъя олөм разьсис,  
Синва сорөн петіс.

Ме ог төд, тэ коді лоан,  
Сöмын абу Гриша.  
Збыль кö сійö коліс ловйөн,  
Локтіс, а эз гижась.

Менсьым тэ прöщенье коран;  
Висьтав кутшöм мыжысь?  
Збыль кö ловзин — ловзин сёрөн,  
Томлунным нин пышйис.

Вунöд менö, ставсö вунöд,  
Ов, кыз овсьö сәні.  
Чужсьöма нин шудтөм лунö,  
Нинөм вöчны öні».

Вот и батьöй мен оз эскы:  
«Пиöй, муса пиöй,  
Эн кö кувсьы, корсин эськö  
Горттö весиг биөн.

Тэнад гу вылö ме волі  
И эг чайтлы ловйөн;  
Дас во чöж гордитчи-олі  
Ме салдат-геройөн.

Збыль кӧ сьӧлӧмыс эз кынмы,  
Батьыс дорӧ волас.  
Ог кӧ аддзыв аслам синмӧн,  
Эскытӧмӧн коляс».

Гриша воклӧн мича гӧтыр,  
Куим ли да нывка.  
Ставлӧн синъясныс — сьӧд сэтӧр,  
Юраныс бур мывкыд.

Аслас батылы ыджыд пиыс  
Кӧрталӧ протезъяс.  
Папиросалӧн кӧ биыс  
Кусӧ, нылыс ӧзтас.

Гӧтыр пуӧ чӧскыд сӕян,  
Чышкӧ-мыскӧ, вурӧ.  
Шу кӧть сийӧс мамӧн, чойӧн —  
Он корсь сыысь бурӧс.

Ывла вылын шӧйтысь вой тӧв  
Би сайӧ он сайӧд.  
Ловъя мортӧдз кынмӧм шойтӧ  
Кӧкныда он вайӧд.

Медсестраӧн вӧлі ачыс,  
Медсестраӧн коли.  
Вунӧдіс став олӧм ассъыс —  
Гришлысь олӧм оліс.

Кыкнан пельнас Гриша кылӧ,  
Аддзӧ кыкнан синнас...  
И герой оз пуксьы вылӧ  
Дай оз ошйысь нимнас.

Мастерскöйын вöчны йöзлысь  
Тшыкöм часі кужö.  
Ыджыд должностьö оз вöзйысь,  
Дөвöль аслас уджөн.

Кöсйö: медым эськö быдөн  
Кадсö тöдіс бура,  
Медым югыд луныс рытөн  
Мортлы эз пыр юрас.

Медым уджлысь, шойччан кадлысь.  
Джаджьяссö не сорны.  
Верстьö морт мед весь эз катлась,  
Бур вылö эз сёрмы.

Стрийскöй\* паркын коми кылөн  
Гришакöд ме вензи.  
Сьöd да еджыд юсьяс вылö  
Видзöді да шензи.

— Тэнад мунöмсяньыд вежсис  
Унатор нин миян.  
Быгтьö кöдзыд төвсö вештіс  
Мортыс аслас киён.

Воркутаöдз кöрт туй мунö,  
Быдмисны выль карьяс.  
Йöзыс öні кык пöв уна,  
Озырджыкöсь арьяс...

Оз мöй тайö кыскы тэнö,  
Висьтав, муса вокöй?

---

\* Стрийскöй парк — Львовын парк ним.

— Оз. Дзик өткодъ тан коть сәні.  
Олөм он шу лөкөн.

Вөзья:— Гөститыштны ветлам,  
Аддзөдлыны батытө.

— Кытчө китөг-коктөг петан?  
Асьсө мөдөд татчө.

— Тә өд эн на аддзыв нывтө,  
Невеста нин сийө.  
Вокөй лоис быттө кывтөм,  
Кузя мен эз шыась.

Сэсся чышкалыштис синва,  
Сэсся шуис тадзи:  
— Места вылө ме ог инась.  
Олан визь ог аддзы.

Сәні гөтыр, гөтыр тани,  
Сәні ныв, тан челядь.  
Вот өд кутшөм олөм пани.  
Элясь коть эн элясь.

Висьтав ставныслы, кыз артмис  
Менам татшөм дзугыс,  
Кыз вөйнаыс менө гартис,  
Кызди висьөм жуглис.

\* \* \*

Пиыслысь да моньлысь письмө  
Вайи Семен дядьлы.  
Эг өд төд, мый сэк кост висьмас,  
Бурөн ог нин аддзыв.

Вои Гамö — чужан сиктö,  
Щögöль мортөн муна.  
Көть и олöмыс тан зыктöм,  
Тöдтöм йöзыс уна.

Школа дорті лэчча гортö,  
Школьникъясöс аддза.  
На моз волевлі ме коркö  
Велöдчыны татчö.

Вот и миян керка места.  
Керкаыс нин абу.  
Пожом пу со век на эстөн —  
Пыр на мыччö кабыр.

Пöрысь батьöй, пöрысь мамöй  
Кувсисны нин важöн.  
Овны тан эз сюр мен сямöй,  
Гажъявны том гажöн.

Семен дядьöдз абу ылын,  
Горöда кө, кылас.  
Шуйгавылын, веськыдвылын  
Тöдтöм керка тырыс.

Чужан сиктöй важсьыс муса,  
Кыпыд менам ловлы,—  
Выль ног платтьöödö мусö,  
Корö менö овны.

Дядьлы керка стenas тотшка,  
Öдзöс вощьöм вичча.  
Аслам думысь, зу кодь тошкас  
Чужöмбанөн жмитча.

Кильчө өдзөс воссис ачыс.  
Тэрмасигтыр пыри.  
Көть и нинөм эг на аддзы,  
Нюмөй менам быри.

Мыйла шы ни төв тан өни  
Пукалоны йөзис?  
Мыйла татшөм сьөкыд меным?  
Мыйла кодзид пөсьыс?

Семен дядь кроватгын ружтө,  
Мекөд оз нин сөрнит.  
Бөрья туйпом коли вуджтөм.  
Синмыс шуө: «Сөрмин».

Муса дядьөй, збыльысь сөрми,  
Эг су дзоньөн-бурөн.  
Оз нин көртассы тан сөрни,  
Пульсыс өдва сюрө.

Кык лун мысти ёль дор керөс  
Гуө босьтис сийөс.  
Кокныд төвкөд шувгис вөрыс,  
Бура узыны сиис.

Сэк важ моньыс — Евдокия  
Гусьөникөн бөрддзис,  
Небыд муө аслас киөн  
Дзоридз көйдыс кодзис.

Куим вежон мысти тані  
Свадьба Роза ворсіс;  
Ассьыс тшөтшьяссө панийис,  
Шудсө зіля корсис.

Сылөн кызь арөса верөс —  
Тракторист совхозын.  
Налөн книгагас пыр съөрас —  
Донтөм дона козин.

Көть дояркаалө ичмонь,  
Лоас агрономөн.  
Көть и верөс сайын — мичмө,  
Кольө томсьыс-томөн.

Нинөм некодлы эг висьтав  
Гриша йылысь сәні.  
Пөръясьны, ме төда, мисьтөм,—  
Сийөн гижә өні.

Туйяс, туйяс — олөм визьяс,  
Пом ни дор ог аддзы.  
Кывза тиянлысь ме висьтъяс.  
Ставсьыс ыджыд аттьө!

## ОГЛАВЛЕНИЕ

Колипкай . . . . .	5
Тёлысь . . . . .	6
Лэбём . . . . .	7
Тодса пилот . . . . .	8
Шобді му . . . . .	9
Тшупсьсыяс . . . . .	10
Крановщик . . . . .	11
Паровозлөн горзём . . . . .	12
Художник . . . . .	14
Том дорччысьлы . . . . .	15
Закопёрщик . . . . .	16
Сідзи и колё . . . . .	17
Май . . . . .	18
Шуд . . . . .	19
Туй абу нин пёдса . . . . .	20
Войвыв карын . . . . .	21
Коми зон . . . . .	22
Кытысь, кытчö . . . . .	23
Тулыс . . . . .	25
Ас йöз . . . . .	29